

- 1^r Der ist eyn narr / der nit verstot
- 2^r So jm vnfal zů handen gat
- 3^r Das er sich wißlich schick dar jn
- 4^r Vnglück will nit verachtet syn



Verachtung vngfelles

- 1 Manchem ist nit mit glück wol
- 2 Vnd ryngt dar noch doch yemer tol
- 3 Dar vmb sol er nit wunder han
- 4 Ob jm das schiff würt vndergan

1 glück GW5046 GW5047] vnglück GW5041

5 Ob vnglück etwan joch ist kleyn
 6 So kumbt es selkten doch alleyn
 7 Dann noch der alten spruch / vnd sag
 8 Vnglück / vnd hor / das wechßt all tag
 9 Dar vmb den anfang man abwend
 10 Man weißt nit / wo der vßgang lend
 11 Wer vff das mer sich wogen düt
 12 Der darff wol glück / vnd weter güt
 13 Dann hyndersich fert der geschwynd
 14 Wer schiffen will mit wider wynd
 15 Der wiß mit nochwynd sãglen lert
 16 Eyn narr hat bald eyn schyff vmb kert
 17 Der wiß / der halt jnn syner handt
 18 Den rüder / vnd fart licht zû landt
 19 Eyn narr verstat sich nit vff für
 20 Dar vmb er offft nymbt eyn grunt rûr /
 21 Eyn wiß man / sich vnd andere für
 22 Eyn narr / verdyrbt ee dann ers spürt
 23 Hett nit sich geschickt noch wyser ler
 24 Allexander / jn hohem mer
 25 Das jm syne schiff warff an eyn sytt
 26 Vnd hett sich gerichtet noch der zytt
 27 Er wer jm mer ertruncken gsin
 28 Vnd nit dot an vergyfftem wyn
 29 Pompeius hat groß rûm vnd ere
 30 Das er gereyniget hett das mere
 31 Vnd die mer rôuber vertriben all
 32 Hat jnn Egypten doch vnfall /
 33 Welch wißheyt / tugent / an jn handt
 34 Die schwymmen nackent wol zû landt /
 35 Als spricht *Sebastianus* Brant

35 Sebastianus] Sebastians *GW5046*